

## **VA NA NA RITO**

**Xirhambo xa swibumabumelo swa vaaki**

### **Nawumbisi wo Cinca Ntsariso wa Tindlu wa [B28-2022] Xiyenge xa 75**

Komiti yo Hoxa Tihlo ya Huvo ya Rixaka ya Swifundzankulu ya swa Mpfxeto wa Misava, Mbango, Swipfuno swa Swicelwa na Eneji yi rhamba vanhu lava nga na ku tsakela na vatekaxiave ku yisa swibumabumelo leswi tsariweke hi mayelana na Nawumbisi wo Cinca Ntsariso wa Tindlu wa [B28-2022] Xiyenge xa 75.

Nawumbisi wu lava ku cinca Nawu wa Ntsariso wa Tindlu, 1937, ku endlela ku lulamisela ku thoriwa ka mutsarisi wa tindlu, xandla xa mutsarisi wa tindlu na mupfuni wa mutsarisi wa tindlu hi ku landza swiletelo swa Nawu wa Vukorhokeri bya Mfumo, 1994; ku tlhela wu lawula swilaveko swa mithwaso ya mutsarisi wa tindlu, xandla xa mutsarisi wa tindlu na mupfuni wa mutsarisi wa tindlu; ku lulamisela ku thoriwa ka mutsarisinkulu wa tindlu; ku lulamisela vutihlamuleri na mitirho ya mutsarisinkulu wa tindlu; ku lulamisela ku rhekhodiwa ka timfanelo ta vun'wini bya misava lebyi humesiweke hi nawu hi Mfumo kumbe vulawuri byihi kumbe byihi lebyi nga na vuswikoti; ku tlhela wu lulamisela ku tsarisiwa ka ku tshikiwa ka ku tsakela hi mayelana na timfanelo ta xiviri leti tsarisiweke ku seketela ku hirisa; ku susa ku kongomisiwa eka ntsariso wa tikhopi ta tsalwa ro nyika matimba yo sayina hi ku yimela munhu un'wana eka rhijisitara rin'wana ra ntsariso wa tindlu; ku lulamisela ku kamberiwa ka tirhekhodo na ku nyikiwa ka mahungu hi mutsarisinkulu wa tindlu; ku tlhela wu lawula vuxirho, mitirho, mavumbelo, matimba yo vhota na miholo ya swirho swa huvo yo lawula ntsariso wa tindlu; ku lulamisela ku va Holobye a endla swinawana hi mayelana na Nawu lowu na Nawu wa Tisisiteme ta Ntsariso wa Tindlu wa Elekithironiki, 2019; ku lulamisela ku va Holobye a endla swinawana hi mayelana na nhlengeleto wa vuxokoxoko bya munhu lebyi fambelanaka na rixaka, rimbewu, na vuakatiko hi swikongomelo swa tinhlayonhlayo na oditi ya misava; ku tlhela wu lawula ntsariso wa misava ya Mfumo; ku tlhela wu lawula ku nyikiwa ka switifikheti swa vun'wini lebyi tsarisiweke bya mikavelo leyi nga avanyisiwangiki eka misava; ku tlhela wu lawula mikarhi ya ntsariso wa tikontiraka ta tibondo eka rhijisitara ro tlula rin'we ra vun'wini bya tindlu; ku lulamisela ku nyikiwa ka nxupulo hi mayelana na swiendlo swa vukanganyisi kumbe ku tshika ka mutsarisi kumbe muofisiri hi mayelana na mitirho ya yena na le ka vanhu van'wana lava nga xiphemu xa vukungundzwana; ku lulamisela ku nyikiwa ka nxupulo hi

mayelana na ku lulamisiwa, ku hetisisiwa na ku tiyisisiwa lo ku nga pfumeleriwangiki ka ntsariso wa tindlu na matsalwa; ku nghenisa nhlamuselo ya ‘gqweta’; ku lulamisela leswaku gqweta, gqweta ro hundzisela vun’wini bya tindlu na tikontiraka leri thoriweke hi Ndzawulo ya Vurimi, Mpfxeto wa Misava na Nhluvukiso wa Tindhawu ta le Matikoxikaya ri nga endla mitirho ya gqweta, gqweta ro hundzisela vun’wini bya tindlu na tikontiraka hi mayelana na nxaviselano lowu fambelanaka na misava ya Mfumo; ku nghenisa na ku cinca tinhlamuselo to karhi; ku lulamisela ku cinciwa ka Nawu wa Tisisiteme ta Ntsariso wa Vun’wini bya Tindlu wa Elekithironiki, 2019, ku fikela laha swi vekiweke hakona eka Xedulu; na ku lulamisela timhaka leti fambelanaka na toni.

Swivutiso xikan’we na swibumabumelo leswi tsariweke swi nga kongomisiwa eka Tatana Asgar A Bawa, Komiti yo Hoxa Tihlo ya Huvo ya Rixaka ya Swifundzankulu ya swa Mpfxeto wa Misava, Mbango, Swipfuno swa Swicelwa na Eneji hi ku imeyilela eka [deedsregistriesamendbill@parliament.gov.za](mailto:deedsregistriesamendbill@parliament.gov.za)

Siku ro pfala ku rhumela swibumabumelo i Musumbhuluku, 15 Dzivamisoko 2024.

Tikhopi ta Nawumbisi ti nga kumiwa eka Tatana A A Bawa eka Selifoni ya 083 709 8530 kumbe eka [www.parliament.gov.za](http://www.parliament.gov.za)

**Xi humesiwile hi Manana TC Modise, Xirho xa Palamende, Mutshamaxitulu wa Komiti yo Hoxa Tihlo ya Huvo ya Rixaka ya Swifundzankulu ya swa Mpfxeto wa Misava, Mbangu, Swipfuno swa Swicelwa na Eneji**